

MIZORAM PRESBYTERIAN CHURCH

(Presbyterian Church of India)

Moderator : Rev. Dr. C. Chawngmingliana
Secretary (Sr) : Upa B. Lalhmunliana
Secretary (Jr) : Rev. P.B. Mankima
Fin. Officers : Rev. V.L. Luaia Hranleh
Rev. P.C. Pachhunga
Statistician : Upa Dr. Lalnunsiamia Colney



Sr. Executive Secretary
Rev. C. Zoramawia
Executive Secretary
Rev. V.L. Luaia Hranleh
Rev. Dr. K. Lallawmzuala

MIZORAM SYNOD

SYNOD OFFICE, AIZAWL - 796001, MIZORAM, INDIA

Ph: (0389) 2326372/2322285/2335821/2324448; Email: mizoramsynod@gmail.com; Fax: 0389-2322132

No. **MS/GEN-12/2023/10/**

Dt. **31.7.2023**

To

The Secretary

.....Kohhran

Subject : **National Protest Day hmang tura ngenna**

Rawngbawlpui duh tak,

Kan Lalpa Isua Krista hmingin chibai ka buk a che.

Dalit and Tribal/Adivasi Concerns, NCCI atang te, Office of SC/BC, Catholic Bishop's Conference of India atang te leh President, National Council of Christians atangtein ngenna kan dawng a, hetiangin—

Kum 1950-a Scheduled Caste chungchanga India President thupek tha lo tak chu, "Dalit-te chu Kristian emaw, Muslim emaw an nih chuan Scheduled Caste-ah chhiar tel an ni lo vang," tih a ni. Hemi avang hian Dalit Kristiante leh Dalit Muslim-te chu Scheduled Caste-ah telh an ni ta lo va. Dalit Kristian/Dalit Muslim nih vang ngawta Scheduled Caste-te hamthatna dawn theih loh hi a dik lo hle a. India Dan pui Article 14, 15, 16 leh 25-te a kalh chiang hle a ni.

He Dan duh lohna lantir nan hian **August 10, 2023 (Ningani)** hian **National Protest Day** hmang turin min ngen a. Kohhran tinten August 10, 2023 zing tawngtai inkhawm thupuia hmanga he Protest Day hi lo zawm ve turin kan ngen a che u.

An lehkha Mizo tawnga lehlin kan rawn thil tel a, lehkha pangngaia thawnchhuahna hun a awm loh avangin PDF hi kan lo rina kan lo pawm theih chuan a lawmawm hle ang.

I rawngbawlpui

(UPA B. LALHMUNLIANA)

Secretary

Mizoram Synod

Copy to: 1) Secretary, Bial – a lo hriat atan leh Bial chhung
Kohhrante a lo semdarh theih nan
2) Bialtu Pastor – a lo hriat atan
3) Office copy

NATIONAL PROTEST DAY HMANG TURA NGENNA

Rawngbawlpui duh tak,

Kan Lalpa Isua Krista hmingin chibai kan buk a che.

National Council of Churches in India - Dalit & Tribal/Adivasi Concerns te, Catholic Bishop's Conference of India - Office for Schedule Caste/Backward Class-te leh National Council of Dalit Christians-te chuan thuchhuah in̄tawm siamin, India ram kohhrante leh Kristian pawl hrang hrangte chu August 10, 2023(Ningani)-a National Protest Day hmang turin a ngen a ni. Hun rei tak India rama hnam hnuaihning ber Dalit Kristiante leh Dalit Muslim-te dikna chanvo pe duh lova India sawrkarin a ngaihthah reng hi he ni-ah hian kan duh lohzia au chhuahpui tur a ni.

Kum 1950-a Scheduled Caste chungchanga India ram President thupek tha lo tak chuan, "Dalit-te chu Hindu sakhua ni lo Kristian emaw, Muslim emaw an nih chuan Scheduled Caste-ah chhiar tel an ni thei lo vang," tiin a sawi a. Kan hriat tlanglawn angin he dan avang hian Dalit Kristian leh Dalit Muslim-te chu Scheduled Caste-ah telh an ni ve ta ngai lo a ni. Chuvang chuan, hnam hnuaihning an nih avanga an chanvo leh hamthatna zawng zawng kan unaute hian an hloh fai vek a ni. He dan hi mipui hriat tura puanzar a nih aṅang khan Dalit Kristiante leh Dalit Muslim-te chuan kum tin August 10 hi NATIONAL PROTEST DAY-ah an hmang ziah thin a ni.

He dan hian sakhua zawng zawng intluk tlanna India Dan puin min pek, a bik takin Article 14, 15, 16 leh 25 te hi chiang takin a kalh a. Article 341 pheichuan schedule caste hamthatna leh chanvo te hi miin a sakhaw vawn vang ni lovin a hnam dinhmun (caste) avang liau liauva a chan tur niin a sawi a ni. Hetiang dik lohna chiang tak leh mihring dikna bulpui palzutna hi a dik lohzia hriain NCDC te, CBCI te, NCCI te leh pawl hrang hrangte leh mi malte pawhin rorelnaa ngaihtuah tha turin vawi tam tak lehkha kum 2004 aṅang khan an lo theh lut tawh thin a. Dikna tundin a nih ngei theih nan, Presidential Order 1950 para 3 hian India ram Dan puia palzut nasatzia leh, miin a sakhaw rinna avang maia a dikna leh hamthatna chanvo tam tak a hloh ngawt hi a dik lohzia hai lan ngei an tum a ni.

Ni 12 April 2023 khan Supreme Court of India zahawm tak chuan kan ngenna thu leh hla min ngaihthlaksak a. Hemi chungchanga ngenna court-a thu lo theh luh tawhte lo la khawma zir chiang tur bik Nodal Officers (Ukil rual) a din a; anni hian an thu zir chiente chu ni 11 July 2023-ah theh lut turin a ti nghe nghe a ni. Kan hriat dan chuan Nodal Officer-te hian an hna an zo vek tawh a; mahse, Supreme Court Bench hian an thu thlente hi an ni tiam 11 July 2023 khan ngaihthlakna hun an pe hman ta lo va, a hun hi pawhsei a ni leh ta a ni. Supreme Court hian thu theh luhte hi a ngaihtuah thuai kan beisei. Chutih lai chuan hnam hnuafualte tana dik lohna chiang tak hi kan dodal chhonzawm zel a; kum 1950-a Scheduled Caste Order hi siam danglam ngei turin kan phut tlat a ni.

Hetiang hi thil awm dan a nih avangin Kohhran te, Regional Council te, Kristian pawl hrang hrang te leh an thawhpui te, Institution te leh Kohhran mal zawng zawngte, ni 10

August 2023 NATIONAL PROTEST DAY hi lo hmang ve theuh turin kan ngen che u a ni. In remchan dan ang zelin he thildik lo dodala pun khawm leh kawng zawh emaw, chaw nghei emaw, a huhova bati chhiin emaw, tawngtai rualin emaw in awmna hmun theuhah kan unaute tuarna hi in tawmpuizia leh an lamah in tang a ni tih lo tar lang ve ngei turin kan ngen a che u.

Kristaa in rawngbawlpuite,

Pradip Bansrior,
Executive Secretary,
Dalit and Tribal/Adivasi Concerns
National Council of Churches in India

Fr. Vijay Kumar Nayak,
Secretary,
Office of SC/BC
Catholic Bishop's Conference of India

Mr. V.J. Geaorge,
President,
National Council of Dalit Christians